



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 52. Conatus adversum Saracenos.

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

Sæcul. XIV.
A.C. 1366.

Th. Valsing.
an. 1365.
p. 180.

Vita c. 18. 19

Chastel.
Martyrol.
6. Jan.

Sup. lib 83.
p. 20.

obsistendo hostibus immani numero venturis, & adhuc tenentibus partem urbis trans ramum Nili positam. Itaque Christiani, cum ne tertiam quidem urbis partem tueri se posse cernerent, eam diripere contenti capta incredibili præda textorum maxime aureorum, feritorumque Alexandriam quarta post ingressum die relinquere ingenti luctu Regis ac Legati nullum admittentis solatium. Hunc amittebant in Cyrum delati: nam Famæ Augustæ statim post Natalem Domini correptus morbo die SS. Regum 6. Jan. 1366 ibi vitam edidit: quam scripsit Philippus Macerianus Cyprius Cancellarius, ejus itinerum comes amicissimus. Etsi Petrus Thomas inter Cælites rite relatus non est: Carmelitæ memoriam ejus 29 Jan. sollemniter celebrant: quod obitus dies ac sequentes aliis Sanctis dicati fuerint.

§. LH.

Conatus adversum Saracenos.

Direptio captæ Alexandriæ, quanquam hæc deserta iterum fuit, terrorem injecit Sultano Ægyptio. Qui tum regnabat, erat Schaaban Hofaini filius, Kelao-ni pronepos, vicesimus secundus ex Turcis Mammeluchis, qui tamen imperare non coeperant ante annum 1250: adeo brevi-

breviter ac misere dominabantur. Schaa-
 ban anno ætatis suæ 10, Epochæ Ara-
 bicæ 764, Christi 1362 agnitus Sultanus,
 cum annos quatuordecim regnasset, de-
 ctus e folio & strangulatus est. Hic
 Princeps igitur, seu potius ii, qui sub e-
 jus nomine imperitabant, ut se ab ejus-
 modi incurfibus præstarent tutos, Vene-
 tias Legatum miserunt, qui cum Duce
 Marco Cornaro pacisceretur. Comperta
 re Papa, ne bello sacro ea officeret, veri-
 tus Duci per litteras stricte interdixit, ne
 pacificationem cum Sultano sine Sacræ Sedis
 permisso singulari faceret. Dabat 25
 Jan. 1366.

Sæcul. XIV.
 A.C. 1366.

Pocot. su-
 plem. p. 17.

Rayn. 1366,
 n. 12.

Porro quia præcipui authores moli-
 minis adversus Alexandriam Rex Cy-
 prius ac Rhodii fuerant, Musulmanni Æ-
 gyptii cum Turcis foedus armorumque
 societatem constarunt, ut illos e Cypro
 ac Rhodo pellerent. Tum vero Papa
 Regi Franciæ Carolo 6 Oct. eodem anno
 scribens exposuit, si eas insulas, terrasque
 transmarinas Cyprio Regi & Rhodiis ob-
 noxias Saraceni suæ ditionis facerent,
 recipiendæ Palæstinæ spem omnem ab-
 ruptum iri. Ergo Rex illis mature suc-
 curreret, ac tutum redderet mare, ut ad
 eos pateret transitus. Imperatori Caro-
 lo, Hungariæ, Angliæ, Scotiæ, Arrago-
 niæ, Daniae, ac Poloniæ Regibus, & Re-
 ginæ Neapolis Joannæ eadem super re
 scripsit, sed sine fructu. Eodem

n. 15.

Sæcul. XIV.

A. C. 1366.

n. 14.

Eodem die 6 Octobris Patriarchæ Aquilejensi, & Suffraganeis ejus per epistolam præcepit, ut omnes dioecesanos suos ad ferendas Cyprio Regi ac Rhodiis suppetias hortarentur: promisitque plenam noxarum veniam illis, qui eos opera vel opibus juvarent suis. Eadem epistola missa fuit ad Episcopos Italiæ, Siciliae, Dalmatiæ, Germaniæ, & Franciæ. At sub illius obtentu deceptores quidam ad bellum sacrum animabant populos sine Papæ mandato; & inde sibi pecunias corrogabant: quod is edoctus imperavit Episcopis, ut eos in carcerem mitterent. Interim per litteras 23 Oct. datas Regi Cyprio suavit, ut pacem, vel inducias, quas posset, optimas cum Sultano iniret.

n. 13.

§. LIII.

Designantur Cardinales.

*Vita. p. 347.
p. 990.*

Die Veneris 18 Septembris eodem anno 1366 Papa Urbanus tres creavit Cardinales Presbyteros. Primus de SS. Joanne ac Paulo erat Guilielmus Sudrius Aquenæ prope Tutelam in agro Lemoicensi natus. Postquam Ordini Dominicano in cænobio Brivensi nomen dederat, Theologiæ laurea donatus, illam Carcassone docuit. Tum suorum provinciæ Tolosanæ, post biennium Sacri Palatii Magister, anno 1361 Episcopus Massiliensis

*Gall. Chris.
to. I. p. 658.*